

Jewittastorms, Blitzen, un Hoagel

Äwasecht

Joarestieden Owwada soo aus Jewittastorms, blitzen un Hoagel kjenn haustich bilden un daut Läden un Goot batern Jefoa brinjen. Strenja Owwada passiet äwaraul Alberta äwa em aule Joarestieden.

Sie Reed

Persoonen un Famieljes wudden selle reed sennen toom fa an selfst fa weens 72 Stund sorjen. Disse nokomenda Stooopen woaren die uthalpen een aunjereet Plon toopstalen.

- **Stal een Tausch toop:** met een Poa eefacha Stooopen näm kaus du bäta aunjereet sennen toom veschieden Sort Nootfal bejäajnen. Moak secha diene Tausch metentalt een Batrie-paur/Krenkj jerant Radio/Licht ooda [Weatheradio](#) wan de Häadrot oppeenst utjeit.

Finj ut wua diene Nobaschoft Informazion aunmalden un oppfreschen woat wäarent een Nootfaul, un moak secha de [Alberta Emergency Alert](#) app em Foon downloading fa kjrietisch, Läden-schoonent Tiedinjen.

Wan Persoonen soo goot aus mäajlich verhää aunjereet senn, dan kjenn de leescht Be'aumpta, soo aus de Polizei, Fiawää, un Krankenwoagen (ambulance), äa Ziel no de needichsta Nootfaul handreien un vesorjen deejanje uttohalpen wua daut daut mieeschtens fällt.

Schwoara Rääjen

Em Sommatiet sennen doa senn twee veschiedne Sorten schwoara Rääjens: wiet un breet Wada Sisteemen met velenjat Rääjen faul, un kjarta Jewittastorms met schwoara Rääjen faul.

Schwoara Rääjen Tautsachen

- Groote Wada Sisteemen kjenn foaken miere Doag dieren.
- Schwoara Rääjen faul kaun em een kjarta Stoot Äwaschwamunk ve'usoaken, äwarut wan de leed noch vefroaren es ooda aul naut wia.

Rot toom Schwoara Rääjen derchläden

- Wää vom bie Brigjen, Wota'aufleidunk Growen, läajra Städen, un Plaza wua Wota toopkollakjten wudd sennen, wiels dee kjenn äwaschwamen ooda unjaranen.
- Bliw wajch vom Häadrot-lienen ooda Ellektrisität Dräd.
- See de Wota'aufleidunk rom dien Hus no om daut Jelääjenheit daut dien Kjala äwaschwamen wudd beschrenkjen.

Jewittastorms

Jewitta es de Krach erschauen derch Loft waut haustich de Hett toonemt ut een loossjedrekjt Blitz. Aule Jewittastorms haben de Mäajlichkeit toom jefäadelja ellektrisch Storms woaren, wan doa strenja Owwada es ooda nich es.

Jewittastorm Tautsachen

- Strenja Jewittastorms kjenn schätlichsta Witrunk brinjen soo aus stoakja Wint, Hoagel, Blitzen, schwoara Rääjen, un Tornados/Kjrieselstorm.
- Een Rieejenfolj Jewittastorms kjenn fa miere Stunden dieren.
- Jlikj-lienje Wint ve'usoakt de mieeschtens Schoden vom Jewittastorm Wint. Disse Wint wankt jlikj velenjd de leed von de Storm fuat.

Rot toom Jewittastorm derchläden

- Verem Jewittastorm, doo aule Radios un Tiewies utpluggen.
- Wäarent een Jewittastorm, bliw fuat von veschmatat Glauss un huage Dinja waut äwafaulen kunn.

Blitzen

Blitz es een loossjedrekjt ellektrische Stroom ve'usoakt derch oppjebut 'static' Ellektrisität, waut kaun bat 100 miljoon volts Ellektrisität utschekjen.

Blitzen Tautsachen

- Jieda Joa sennen onjefää 10 kanadische Menschen derch Blitzen dootjeschloagen un noch mea velazt doaderch.

- Derchschnetlich, Blitzen ve'uasoakt mea Doodesjefaul joa'äwa em Canada aus Hoagel, Rääjen, Äwaschwamunk, Wint, Tornados/Kjrieselstorm un Uarkauns aulatoop.
- Wan du rumlen hieren kaus, besenn daut aus een Jefoa.
- Gumschoo un Gummreifen opfren kjeen wichtja Schutz jääjen Blitzen.

Rot toom Blitzen derchläwen

- Sieekj Schulinj em vollstendja enjeschluten Jebieda met Dräd un Wotaleidungen.
- Bliw fuat vom irjentwaut waut een ellektrisch Baunt haft, un wäa vom Däären, Fenstren, Fiastäden, Oppwuschkommen, Bodwauns, un Spretz Bodwauns.
- Wan du buten jefangen woascht, doo nich dichtbie huage Dinja stoonen ooda bie irjentwaut waut vom Mettol ooda lesa jemoakt es, un wäa vom opna Wota. Näm Schulinj em een läajren Städ.
- Wacht 30 Minnuten no waut du daut latstemol rumlen jehieescht haudst ea du rutjeis.

Hoagel

Hoagel formt en Storm Wolkjen benn un kjempt mieeschtens vää em de Sommatiet, oba kaun uk vääkommen wäärent de kolda tieden em Joa. Groote Hoagel passiet mea em woama Joarestieden un fält bestemda Ferheltnissen. Meist aula Jääjenden ut Alberta kjenn vom groote Hoagel aunjejpriet woaren.

Hoagel Tautsachen

- Hoagelstorms passieren mieeschtens tweschen Mei bat Oktooba.
- Hoagelstekja kjenn soo kjlien aus Oaften senn, ooda soo groot aus Gräpfrucht.
- Hoagelstorms kjenn een Fienansiella Onjlekj senn wääjens de Schoden waut to Heims un leejendoms (metentalen de Arnt) woaren.
- Hoagel kaun soo bosich aus 100 Kilomeeta de Stund ooda mea nom leed faulen.
- Wan Hoagel met schwara Rääjen metenjetalt woat, et kaun Storm aufranen tooschlekjen un onverhofs Äwaschwamunk en de Omjääjant erschauen.

Rot toom Hoagel derchläwen

- Näm Schulinj wan daut anfängt to hoaglen. Doo nich rut gonon om Plaunten un Foatieja unjatodakjen, ooda Tieren to raden.
- Hool die selfst un dien Tieren fuat vom Fenstren, Glauss Däären, un Himmel-Lichta dee veschmatren kunn.
- Wan du buten onen Schulinj best, bekj die dol met dien Jesecht vom Wint wajchjedreit. Beschutz dien Kopp un Jenekj met diene Henj.

Fienansiel reedjemoakt

- Räd met een Inschurens Ajent om diene bestemda Nooten.
- Vesto diene Inschurens Rajchtschnua. Moak secha dien Heim, Foatich, Jeschaft un Hab-un-goot beschutz senn.
- Wan mäajlich, bedenkj aun een Nootjelt Rääkjnunk haben toom oppverieescht Onkosten tolen wiels de utem Heim best.
- Wan du kaust, hool waut Nootjelt hendich fa wan de Bank Deenst oppeenst nich loossbandich es.
- Wan du vom Tus rutjereimpt woascht, hool aul de Ressiets toop vom irjents bowenäwa Onkosten.
- Schriew een [bestemda List](#) dol vom aul dien Hab-un-goot.
- Vesto de [7 Stopen](#) toom een aunieejnen moaken vom dien Heim Inschurens.

De Insurance Bureau of Canada es reed diene froagen be'antowuaten. Schriew an derch email aun bie askibcwest@ibc.ca ooda Foon an bie 1-844-227-5422. Fa mea Informazion om diene Inschurens aunjereet haben, sieekj aun dissen website: ibc.ca.

Fa mea Informazion

Läs onsa aundra Tautsachen Boages aun:

- Kjrieselstorms/Tornados
- Jefoa bestemt aunreedon Informazion, metentalen willa Fiasch, Äwaschwamunk, Häadrot un Wota ungonen, un mea.

Du kaus mea Informazion finjen om aunjereet senn derch Alberta.ca ooda aun Environment and Climate Change Canada.